

ciat? Quid quaeso sic commercii nobis cum Florinianis, qui diserte DEUM autorem mali constituebant, ut ea propter ab IRENAEO, BASILIO M. aliisque vehementer castigarentur?

## §. XVII.

Sistimus hic gradum, & ad Articulum de JUSTIFICATIONE tendimus, in quo ita se gessit ecclesia nostra, ut vel pro hac sola doctrina Apostolica, ex tenebris papalibus restituta, infinitae grates DEO sint agenda, testibus multis ex Pontificiis ipsis, qui ubi ad consolandos aegros & moribundos se accinxerunt, doctrina de justitia operum plane seposita, ad meritum Christi & justitiam imputativam homines ablegarunt, & credere, atque hac fide e vita migrare jusserunt. O quam cauteriatam oportet esse conscientiam, quae eam damnat doctrinam, qua unica sibi subveniri posse novit in tentationibus Satanae, & agnoscit stramineas omnes esse operum conciones, nisi prius doctrina de justificatione ex solo merito Christi nobis imputato, & fide sola, quae illud apprehendit, sibi applicat, consequenda, recte teneatur. Verum quantam confusionem vere Babeliticam hic nobis exhibeant adversarii nostri, facile apparet. Non enim excutemus nunc sententias illorum, dudum siquidem hoc susceptum est negotii a nostratibus, nec colligemus scommata, quae in hanc doctrinam divinissimam jaciunt, quaeque in Christum ipsum, ejusque meritum tandem redundant: sufficiet nobis saltem recensere haereticorum probrosa nomina, quibus in hoc negotio nos insigniunt. SIMONIS MAGI quis credat hic turpissima deliria nobis imputari? Audiaturo vero Bellarminus: Simoniani docebant, salvari homines secundum gratiam Simonis, quem DEUM faciebant, & non secundum operas justas, inquit Irenaeus. Lutherus in libro de